



Uunga:
Inatsisartunut ilaasortaq
Mariane Paviasen
Inuit Ataqtigiit

17-01-2023
Sags nr. 2023 - 1268
Akt. id. 22245507

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Utoqqalinersiaqarneq pilersuisussaataitaanerlu pillugit §37 apeqqummut nr. 9 2023-meersumut akissut

Asasara Mariane Paviasen.

Qujanaq apeqqutinut. Apeqqutit ataasiakkaarlugit kingornalu akissutaat allanneqarput.

1. Naalakkersuisut pilersaaruteqarpat, Utoqqalinersiaqarneq pillugu Inatsisartut inatsisaat nr. 20, 23 november 2015-imeersoq allanngortillugu aappaqaraanni utoqqalinersiaqarnermi naatsorsuutsittarnerup atorunnaarsinnissaannut?

Naalakkersuisut kissaatigaat utoqqalinersiaqarneq pillugu aaqqissuusseqqinnermi iluseq nutaaq saqqummiunniarlugu, utoqqalinersiaqarneq pillugu aaqqissuussaq pisariinnerulerneranut peqataasussaq, utoqqalinersiaqarneq pillugu aaqqissuussamat tunngatillugu utoqqalinersiaqartut amerlasuut ujarlerfigiuminaatsillugulu paasiuminaatsimassuk. Tamanna pissuteqarpoq pisortanit utoqqalinersiaqarneq toqqammaviusumik aningaasartaqarmat aamma utoqqalinersianut tapeqarluni.

Taamaattumik Naalakkersuisut kissaateqarput utoqqalinersiaqarneq pillugu aaqqissuusseqqinnermut, paasiuminarnerusunnornissaanut aamma utoqqarnut suliffeqarnermi ingerlaannarnissamat pilerinartunnornissaanut qulakkeerisussamat, oqallinnernik aallartitsisoqassasoq. Pingaaruteqarluinnarpoq utoqqalinersiaqarneq pillugu aaqqissuussap pisariillisarnerata inaarutaasumik qanoq isikkoqarnissaa pillugu politikkikkut isumaqatigiittoqarnissaa, taamaammallu Inatsisartuni partiit akulerunnissaat kissaatigineqarluni. Pilersuisussaataitaanermik atorunnaarsitsinissaq pillugu isumaliuutit, innuttaasut utoqqalinersiaqalernissamat ukiorititat angunerata kingorna kissaateqarpata suliffeqarnermi ingerlaannarnissamat pilerinarsaasussaq, suliami matumani ilanngunneqarumaarput.

Naalakkersuisut naatsorsuutigaat utoqqaat pillugit periusissiaq saqqummiutissallugu, tamannalu qaammatini tulluuttuni pinissaa naatsorsuutaalluni.



2. Aapparisap isertitai naapertorlugit utoqqalinersiassanik naatsorsuutsittarneq atorunnaarsinnaqarpat tamanna qanoq nunatta karsianut naleqassava?

Utoqqalinersiaqartunut pilersuisussaataaneq atorunnaarsinneqarpat 6 mio. kr-inik akeqassaaq.

3. Aapparisap isertitai naapertorlugit utoqqalinersiassanik naatsorsuutsittarneq atorunnaarsinneqarpat allaffissornerup annikillisarneqarneranut iluaqutaassava?

Pilersuisussaataaneq atorunnaarsinneqarpat allat tamaasa allangortinnagit allaffissornerup annikillisinneqassaaq utoqqalinersiuteqartup pisinnaatitaaffiini ikiorsiissutit naatsorsorneqarneranni ilaat peerneqartoq eqqarsaatigalugu.

Inussiarnersumik inuulluaqqusillunga

Jess Svane